



17. august 2020

Inatsisartuni suleriaasianni § 37 naapertorlugu Naalakkersuisunut imaattumik apeqquteqarpunga.

### **Apeqqut.**

- 1. Inatsisartut inatsisaat nr. 39 23. November 2017-meersumut piunasaqaatit il il naammassinnissimasut, kommunalbestyrelsep akuersineratigut innuttaasut illugisaminni ukiut 20-it sinnerlugit najugaqarsimasut nutarsaanissaminnut neqeroortitsinermut pisinnaatitaaffeqarput. Inatsimmili § 33 aamma § 34-mi piunasaqaatit najugaqartunut sanaartortullu suliamik aallartitsiniarnerat kinguarsaatinningsimavoq, allaallu sanaartortussat suliassaminnik tiguisinnaanerap orfissarpassuaqalersimalluni, taamatullu nutarsaasimaneq Naalakkersuisunit qanoq iliuuseqarfiginiarneqarpa?**

(Inatsisartuni ilaasortaq Siverth K. Heilmann, Atassut)

### **Tunnngavilersuut.**

Siusinnerusukkut illugisamut nutarsaanissat erniaqaratillu taarsersugassaangitsut 100 tkr.-init INI A/S aqqutigalugu soorunalumi piunasaqaatinut naammassinnissimasunut qinnuteqartitsisoqartarnera, assorujussuaq innuttaasunik iluarisimaarneqarluni atorluarneqartarpoq.

Nutarterisinnaaneq 300 tkr.-inut qaffatsinneqarnera imminik ajunngilluinnarpoq, tassami innuttaasorpasuarunik Oliefyret taarsernissaannut illulluunniit iluani nutarterinissaq avaqqunneqarsinnaasannngimmat.

Ilisimasavara illuminnik nutartaanissanut qinnuteqaatiminnik aammalu suliffeqarfik suliaqartussat akueritissimasunik, ajoraluartumilli suliffeqarfik nutarsaanissamut attuumassuteqanngitsumik kommuune-miit akiitsugaqarfigineqarneq pissutigineqarluni suliamik aallartitsiumanngitsunik.

Najugaqartut pisariaqartitseqisut kinguarsarneqarput, suliffeqarfimmullu allamut suliassiiniarnermi nukit aqqutissiuussiniarnerillu piffissaq sivisooq atorneqarput.

Nammineq paasiniaasarnikkut paasimava, suliffeqarfiit (entreprenørit) suliassanik tiguisarnertik kajuminnarnerpaarsuartut isigiunnaarsimagaat, peqquataatinneqarmat suliffeqarfiup suliarfik aatsaat tamaaviat naammassigunikku, aningaasat suliaqartitsisumut tunniussaqaartussaaneq kiisalu suliaqartitsisoq nammineerluni entreprenørinut akiliisarnera.

Ajornartorsiutip aappaatut taaneqarsinnaasoq tassaavoq, innuttaasut assersuutitut piginneqatigiilluni illutaarnianut peqataasinnaanera akuerineqarpoq, paasineqaramilu pisortanut akiitsoqarsimasoq, allamik periarfissiisoqarani peersinneqartarput, illuutileqatigiit il il sanaartortitsinnaanerap sanaartortussarlu kinguarsarneqartalerlutik.



Neriutigilluinnarpara ajornartorsiut ima annertutigissanngitsoq, sanaartortartut illoqarfinni nunaqarfinnilu sanaartorumajunnaassanngitsut, taamaattumillu Naalackersuisut kommuune-llu matumunnaga pitsaanerusumik tamanullu naammaginartumik naleqqussaaqqissinnaanertik atorluassagaat.

Neriuppunga ullut suliffiusut qulit iluanni akissutissarsiumaarlunga.